

5. Kotřiž sće z mocu Božej zakitani přez wěru k zbóžnosći,\* přihowanej, zo by so zjewiła w poslednim času,

6. W kotrymž budžeće so radować, hač runje so nětko, je-li trjeba, rudziće we wšelakich spytowanjach,\*

7. Zo by wupruhowanje wašeje wěry, wjele dróžše, dyžli zloto, kotrež so z wohnjom pruhuje, so namakało ke khwalbje a slawje a česći při wozjewjenju Jězusa Khrystusa,\*

8. Kotrehož njewidźawši lubujeće a do kotrehož tež nětko njewidźicy wěriće, dokelž pak wěriće, budžeće so radować z njewuprajomnej a překrasnjenej wjesołosću,\*

9. Hdyž kónc wašeje wěry dóstanjeće, zbóžnosć dušow.\*

10. Wo kotrejž zbóžnosći slědžachu a pytachu profetowje, kotřiž wo miłosći, za was postajenej, wěšćachu,\*

11. Přepytujey, kotry a kajki čas by w nich so namakacy duch Khrystusowy pokazował, předpowědajo, kotre

čerpjenja a po nich kotre krasnosće budža w Khrystusu,\*

12. Kotrymž bu zjewjene, zo nic sebi samym, ale wam poskićachu to,\* štož bu wam nětko wozjewjene přez tych, kotřiž wam wopowědowachu přez Ducha swjateho z njejjes posłaneho, do čohož pohladać jandželowje žadaju.\*\*

13. **T**ohodla\* wopasawši bjedra swojeje mysle, strózwj, dospolnje nadžejeće so miłosće, kotraž so wam poda při zjewjenju Jězusa Khrystusa,\*\*

14. Jakož džěci poslušnosće, nic so podobajey prjedawšim požadosćam swojeje njewědomosće.\*

15. Ale po tom Swjatym, kiž was powola, budžeće tež wy we wšim wobkhađowanju swjeći,\*

16. Dokelž je pisane: „Budžeće swjeći, dokelž ja sym swjaty.“\*

3. Mójz. 11, 41; 19, 2; 20, 7.

17. **A** jeli Wótca toho mjenujeće, kotryž bjez džiwanja na wosoby sudži po

5. Jakož je herbstwo w njejjesach za was zakhowane, tak sće wy tudy na zemi z mocu Božej přez prawu wěru zakitani, zo herbstwa njezhubiće, kotrež je wam přihowane, kotrež pak so w swojej krasnosći zjewi na kóncu wšoho časa, hdyž Khrystus přińdže na mróčelach njejjes. — 6. Bjezkónčne wjeselo budže wam mytować na tamnym dnju Jězusoweho přikhada, za wšitke wustate horja a prócy. — 7. Maće tohodla něštožkuli čerpjeć, zo by so waša wěra jako kruta wopokazała; dokelž tajka kruta wěra je wosebniša dyžli zloto, kotrež so tež we wohnju pruhuje; při přikhadze Khrystusowym budže tajka wěra wam k slawje a česći. — 8. t. r. hač runje jeho ženje njewohladašće, lubujeće jeho tola; a hač runje jeho tež nětko njewidziće, wěriće tola do njeho; ale runje tohodla, dokelž tak kruće wěriće, budžeće jeho něhdy z njewuprajomnej wjesołosću widžeć. — 9. t. r. hdyž so wěra skónči a přeměni do widženja a zbóžnosć duše wam přinjese. — 10. Kak wosebne kublo dyrbi tale zbóžnosć być, hdyž profetowje za njej pytachu a slědžachu a tu samu připowědowachu. — 11. Duch, kiž profetam jich wědomosć wo wumóženskim skutku podawaše, bě duch Khrystusowy, kotryž hižo před wočlowječenjom přez Ducha swjateho wumóženje přihowaše, kotrež cheyše dokonjeć přez čerpjenje, kotrež pak powjedže k wulkej krasnosći. Profetowje sami pak so prócowachu časy wopisać, w kotrychž měješe so wumóžnik wozjewić. — 12. t. r. profetam bu wozjewjene, zo so w jich času zbóžnik njenarodži, ale pozdžišo, we wašim času. \*\* t. r. štož bu wot nich wěšćene, to bu wam připowědane wot japoštołow, kotrychž tón samy Duch swjaty rezswětluje, kiž profetow při wěšćenju nawjedowaše. Skutk wumóženja je tak wosebny a potajny, zo jón sami jandželowje njeznaja, ale žadaja, zo bychu jón dospolnje spóznali. — 13. S. japoštoł napomina, zo bychu za tak wulku miłosć džakowni byli ze swjatym, bohobojaznym a dobroćiwym žiwjenjom. \*\* t. r. w swoim zmyslenju budžeće wopasani, t. r. hotowi, so wšoho wotrjec, štož zbóžnosći zadžěwa, a nakhilnosće potłóčeć, a swoju nadžiju stajejće cyle na miłosć, kotraž so wam podawa, zo byšće při přikhadze Khrystusowym wobstali. — 14. t. r. poslušne kaznjam Khrystusowym dyrbi waše žiwjenje nětko być, nic wjac podobne prjedawšemu, kotrež bě poddate wšelakim hrěšnym uakhilnosćam, dokelž běšće tehdy njewědomi w duchownych wěcach. — 15. t. r. po Khrystusowym přikladze maće žiwi być, dokelž Khrystus, Najswjećiši was k nowemu žiwjenju powola. — 16. Bóh wam poruča, zo byšće, jako jeho lud, swjeći byli.